

Թագաւորն և մեր թագուհին, հանդերձ որդուովք իւրեանց, մեռելոց կարգ կատարեցին, որ զամենեալ(յ)ն մարդ յարտասուտ հարին: Չայտ արարին և յաւուր հասարակաց ննջեցելոց, դնելով ի վերայ սեաւ շալի զզէնս պատերազմաց: Եւ այնչափ տկարացուցին զթշնամին մինչ զի բազում միջոցիւք ի հաշտութիւն խոնարհիլ կամի. բայց սոքա ամենեքին ոչ կամին: Յինկիլթէնայու եկն աստ իշխան մի խօսիլ ի հաշտութիւն. թագուհին մեր ոչ ետ ավտիէնցայ, քանզի եհարց եթէ յորոյ կողմանէ եկն խօսիլ ի հաշտութիւն. իւր թագաւորին եթէ փոռուեային: Եթէ իւր թագաւորին կողմանէ եկն, եկեցէ առ իս, բայց եթէ փոռուեային մի ամենեին երեւեցի առաջի իմ: Աստուծով դուքս մի ունիմք զօրաց փռաւօն անուն. յիրաւի է պռավօ, զոր ամենեքին սիրեն. և թագուհին որդի իւր անուանէ. այր հմուտ պատերազմի. և օրտուն ասեն եթէ այնպիսի յօրինեալ ամենայն իրօք, մինչ զի յոչ ումեք ժամանակի այսպիսի օտտու ունեցեալ է նէմցէն: Սակայն այս ազքս յոյժ ապերախտ է և կամեցան ոմանք իշխանք լօթոանք առ նախանձու խախք առնել զսա ի պատերազմի. քանզի նոքա որոց անկ էր զզէնս պատերազմի պատրաստել և առաքել ոչ առաքեցին զի յաղթիցի. բայց Աստուած լսելով հանապազօրեայ զաղօթս թագուհւոյն իմացան զնենգութիւն նոցա և պատժեցին և ոմանք ի բանտի կան որք բմբուցան, վասն զի տային ի ծածուկ օգնութիւն կերլեաց փոռուեային: Այնչափ քաջութեամբ մարտնչին զօրք մեր մինչ զի ասացեալ է թագաւորն փոռուեային, թէ զարմանամ զիմոր կան ընդդէմ հրոյս արիաբար զօրք տամային ավտոռային. (այսպէս անուանէ զմեր թագուհին անիծածն). առ այժմ լռութիւն է, վասն զի ձմեռ են...

յամի տեան 1756  
Նոյեմ. 20 ի Վենիայ

Արբուժեանդ մնամ ծառայ  
Հ. Գէվորք վրդ.

**ՄԲ.**

Յոյն և Հայ վաճառականներու մասին դէպքեր կը պատմուին Հ. Յովհաննէս Լազեանէ: Սա է Հ. Յովհ. Տրապիզոնցին, որ և կը ստորագրէ Պոնտացի, ևն:

Գերապատիւ տեառն տեառն Ստեփաննոս Վարդապետի և Արքայնոր մերտով  
խոնարհութեամբ համբոյր աշոյն

... Լուաք, թէ սրբազան պապն մեր փոխեալ իցէ առ Աստուած... Գրեցից և զանցս անցեալս ընդ ոմանս՝ վաճառականս յունաց: Արքունի հրամանաւ սաստիկ փակեալ են Նազարէթք ընդդէմ ընչից. այլ համարձակ վասն մարդկանց. արդ յոյնք ոմանք բերեալ զմուշտակս ի պելրղատ, և անդ թողեալ, ինքեանք մտեալ են ի Նազարէթ. և ապա զյոյով զբեռինս մուշտակաց ի ձեռն ոմանց պուլղարաց գաղտագողի փախուցեալ են ի մեր կողմն առանց Նազարէթի: Եւ ի լրանալ ժամանակին, ինքեանք ելեալ ի Նազարէթէն, և բերեալ զմուշտակսն ի յէրսէկ, վաճառեալ են ի տօնավաճառն սրբոյն սեբաստիանոսի: Ուր յայտնեալ նենգութեան նոցա, զերկուս փախուցօղսն անդէն վաղվաղակի ի չորս մասունս հատեալ, կախեցին յանցս ճանապարհաց: Իսկ զմնացեալսն՝ թուով աւելի քան զտասն երկաթի կապանօք ածին այսր, որոց կատարածն եղիցի սուր և հուր: Ամին նման և զայլ ինչ լուաք, այլ զստոյզն ոչ գիտեմք. ի մեծ մաճառս՝ ի կողմանս տօպօրցիներու հայք ոմանք զմորթս եզանց փախուցեալ ի նազարէթ, հասուցեալ են յազատ գիւղ մի, և անդ թագուցեալ՝ ինքեանք և ինչք իւրեանց: Իսկ ի յայտնիլ բանին, զտեսարս մորթոցն եղեալ ի շղթայս, և ընդ նոսա զամենայն զիւղականսն վարեալ ի տեղին, ուստի փախուցեալ են զմորթսն առանց Նազարէթի, և զգիւղն և զմորթսն, և զամենայն կազմած, և զինչս գեղջն հուրք դատեալ են, զի մի ցաւ ինչ տարածեսցի ի գեղջէն...

[1]757 փետր. 25  
ի Վարատին

Նուստ ծառայ  
Հ. Յովհաննէս վրդ. Լազ.